

46 SOLVTIO PROBLEMATIS ARITHMETICI

SOLVTIO
PROBLEMATIS ARITHMETICI

DE

INVENIENDO NUMERO
QVI PER DATOS NUMEROS DVISVS, RELIN-
QVAT DATA RESIDVA.

AVCTORE

Leonb. Eulero.

§. I.

REperiuntur in vulgaribus arithmetorum libris pas-
sim huiusmodi problemata, ad quae perfecte re-
soluenda plus studii et sollertiae requiritur quam
quidem videatur. Quamuis enim plerumque regula sit
adiecta, cuius ope solutio obtineri queat, tamen ea vel
est insufficiens solumque casui proposito conuenit, ita vt
circumstantiis quaestionis parum immutatis, ea nullius
amplius sit vsus; vel subinde etiam solet esse falsa.
Ita quadratorum magicorum constructio iam pridem
ab arithmetis est tradita; quae autem cum esset in-
sufficiens maiora ingenia *Lahirii* et *Sauverii* ad perfici-
endum requisuit. Simili quoque modo vbique fere
occurrit istud problema, vt inueniatur numerus, qui per
2, 3, 4, 5, et 6 diuisus relinquat unitatem, per 7 vero
diuidi queat sine residuo: methodus vero idonea ad huius
modi problemata soluenda nusquam exhibetur; solu-
tio

DE INVENIENDO NUMERO QUI PER &c. 47

tio enim ibi adiecta in hunc tantum casum competit, atque tentando potius absolvitur.

§. 2. Si quidem numeri, per quos quaesitus numerus diuidi debet, sunt parti, prout in hoc exemplo, tentando non difficulter quaesitus numerus inuenitur; difficillima autem foret istiusmodi solutio, si diuisores propositi essent valde magni. Cum itaque ad huius generis problemata soluenda methodus etiamnum habeatur nulla genuina, quae ad magnos diuisores aequae pateat, ac ad paruos; non inutiliter operam meam collocatam esse confido, dum in huiusmodi methodum inquisiui, qua sine tentatione pro maximis etiam diuisoribus talia problemata resolui queant.

§. 3. Quo igitur, quae haec de re sum meditatus, distincte exponam, a casu incipio simplicissimo, quo vnicus tantum datur diuisor, numerusque quaeritur, qui per illum diuisus datum relinquat residuum. Requiritur scilicet numerus z , qui per numerum a diuisus relinquat p pro residuo. Huius quidem quaestionis solutio est facillima, erit enim $z = ma + p$, denotante m numerum quemcunque integrum; interim tamen obseruari conuenit hanc solutionem esse vniuersalem, omnesque numeros satisfaciens complecti. Praeterea ex ea quoque intelligitur, si vnus habeatur numerus satisfaciens, ex eo innumerabiles alios satisfaciens quoque posse inueniri, dum ille numerus quocunque multiplo ipsius a vel augeatur, vel si fieri potest, minuatur.

Erit

48 SOLVITIO PROBLEMATIS ARITHMETICI

Erit autem p seu $0a + p$ minimus numerus satisfaciens, hunc excipit $a + p$, quem porro sequuntur $2a + p$, $3a + p$, $4a + p$, etc. qui numeri omnes constituunt, progressionem arithmeticam differentiam constantem habentem a .

§. 4. Hoc exposito sequitur casus, quo duo diuisores cum suis residuis proponuntur, qui est præcipuus, et sequentes omnes in se complectitur. Nam, quotcumque propositi fuerint diuisores, quaestio semper ad hunc casum, quo duo tantum proponuntur, reduci poterit, quem admodum in sequentibus monstrabo. Quaeri igitur oporteat numerum z , qui per a diuisus relinquat p , per b vero diuisus relinquat q ; sitque numerus a maior numero b . Cum ergo numerus quaesitus z ita debeat esse comparatus vt per a diuisus relinquat p , necessario in hac forma $ma + p$ continebitur, eritque idcirco $z = ma + p$. Deinde ex altera conditione, qua z per b diuisus relinquere debeat q , erit $z = nb + q$. Quamobrem, cum sit $ma + p = nb + q$, determinari debent numeri integri loco m et n substituendi, vt sit $ma + p = nb + q$, quibus inuentis erit $ma + p$ seu $nb + q$ numerus quaesitus z .

§. 5. Quia ergo est $ma + p = nb + q$, erit $n = \frac{ma + p - q}{b}$ seu posito $p - q = v$, erit $n = \frac{ma + v}{b}$. Hanc ob rem definiri oportet numerum m , vt $ma + v$ diuidi possit sine residuo per b . Quia est $a > b$ ponatur $a = cb + c$; erit $n = mc + \frac{mc + v}{b}$; oportet ergo vt mc

$+v$ diuisionem per b admittat; sunt autem a et c numeri cogniti, qui reperiuntur ex diuisione ipsius a per b ; erit enim a quotus et c residuum. Ponatur porro $\frac{mc+v}{b} = A$, erit $m = \frac{Ab-v}{c}$; quare numerum A inueniri oportet, ut $Ab-v$ diuidi queat per c . Si eueniat, ut v per c diuidi possit, operatio iam poterit finiri; sumto enim $A=0$, erit $m = -\frac{v}{c}$ et $z = -\frac{av}{c} + p$ quae expressio, etiamsi euadat negatiua, tamen ad infinitos numeros affirmatiuos pro z inueniendos est idonea.

§. 6. Sin autem v per c non potest diuidi, quo $\frac{Ab-v}{c}$ fiat numerus integer, pono $b = \xi c + d$, seu diuido b per c , dicoque quotum $= \xi$ et residuum $= d$. Quo facto erit $\frac{Ab-v}{c} = A\xi + \frac{Ad-v}{c} = m$, debeatque $\frac{Ad-v}{c}$ esse numerus integer sit is $= B$, fiet $A = \frac{Bc+v}{d}$. Si nunc v per d diuidi poterit, facio $B=0$, eritque $A = \frac{v}{d}$, et $m = \frac{\beta v}{d}$. Sin autem v per d non est diuisibile, pono porro $c = \gamma d + e$; eritque $A = B\gamma + \frac{Be+v}{d}$. Atque pono $\frac{Be+v}{d} = C$ ut sit $B = \frac{Cd-v}{e}$. Si nunc v per e diuidi poterit, pono $C=0$ eritque $B = -\frac{v}{e}$, et $A = -\frac{\gamma v}{e}$ atque $m = -\frac{\beta\gamma v}{e} - \frac{v}{e}$; sin $\frac{v}{e}$ nondum fuerit integer numerus, pono $d = \delta e + f$, eritque $B = C\delta + \frac{Cf-v}{e}$; atque facio $\frac{Cf-v}{e} = D$, ut sit $C = \frac{De+v}{f}$, vbi videndum est vtrum v per f diuidi possit an secus, atque in utroque casu ut supra operatio debet institui.

50 SOLVTIO PROBLEMATIS ARITHMETICI

§. 7. Quia autem $a > b$, atque $b > c$ et $c > d$ etc. hac serie a, b, c, d, e, f , etc. continuanda perpetuo ad minores numeros deuenitur, ita vt tandem ad tam paruum perueniri oporteat, qui fit pars aliquota seu diuifor ipsius v . Sunt autem c, d, e, f etc. continua refidua ordinariae operationis, qua maximus communis diuifor ipforum a et b inueftigari folet, quam operationem hic appono.

$n = \frac{ma+v}{b}$	$b a \alpha$	$a = ab + c$
$n = \frac{Ab-v}{c}$	$c b \beta$	$b = \beta c + d$
$A = \frac{Bc+v}{d}$	$d c \gamma$	$c = \gamma d + e$
$B = \frac{Cd-v}{e}$	$e d \delta$	$d = \delta e + f$
$C = \frac{De+v}{f}$	$f e \epsilon$	$e = \epsilon f + g$
$D = \frac{Ef-v}{g}$	$g f \zeta$	$f = \zeta g + b$
$E = \frac{Fg+v}{h}$	$h g \eta$	$g = \eta h + i$
$F = \frac{Ch-v}{i}$	$i h \theta$	$h = \theta i + k$
$G = \frac{Hi+v}{k}$	k	

§. 8. Haec ergo operatio, qua ad maximum communem diuiforem numerorum a et b vti solemus, eousque est continuanda, donec ad residuum perueniatur, quod diuidat v . Quo inuento fequenti modo inueftigabimus numerum m . Si v iam per b diuidi poterit, fiet $m = 0$. Si v per c diuifionem admittat, fiet $A = 0$ et $m = \frac{v}{c}$. Si v per d diuidatur, fiet $B = 0$ et $A = \frac{v}{d}$ atque $m = \frac{bv}{cd} - \frac{v}{c} = \frac{\epsilon v}{d}$ ob $b = \epsilon c + d$. Quo autem valores ipfius m facilius reperiantur primo valor ipfius A per

DE INVENIENDO NUMERO QVI PER *c*. 5v

A per B, tum valor ipsius B per C et ita porro exprimi debet, vnde nata est ista tabula.

$$1. m = \frac{Ab - v}{c},$$

$$2. m = \frac{Bb + \epsilon v}{d}$$

$$3. m = \frac{Cb - v(1 + \epsilon\gamma)}{e}$$

$$4. m = \frac{Db + v(\delta + \epsilon\gamma\delta + \epsilon)}{f}$$

$$5. m = \frac{Eb - v(\delta\epsilon + \epsilon\gamma\delta\epsilon + \epsilon\epsilon + \epsilon\gamma + 1)}{g}$$

$$6. m = \frac{Fb + v(\delta\epsilon\zeta + \epsilon\gamma\delta\epsilon\zeta + \epsilon\epsilon\zeta + \epsilon\gamma\zeta + \zeta + \delta + \epsilon\gamma\delta + \epsilon)}{h} \text{ etc.}$$

De his valoribus est notandum, signa ipsius *v* alternari hoc modo $- + - + - +$ etc. Deinde coefficientes ipsius *v* hanc tenent legem:

$$1, \epsilon, \epsilon\gamma + 1, \epsilon\gamma\delta + \delta + \epsilon, \epsilon\gamma\delta\epsilon + \delta\epsilon + \epsilon\epsilon + \epsilon\gamma + 1, \text{ etc.}$$

cuius progressionis quisque terminus est aggregatum ex termino praecedente in indicem supra se scriptum multiplicato et termino hunc praecedente.

§. 9. Si igitur *v* per *b* diuidi poterit, erit $m = 0$; si *v* per *c* diuidi potest erit $m = \frac{v}{c}$ propter $A = 0$; si *v* per *d* diuidi poterit, fiat $B = 0$; eritque $m = \frac{v}{d} \epsilon$. Vnde sequens oritur lex:

§2 SOLVTIO PROBLEMATIS ARITHMETICI

Si est numerus
integer

erit

$\frac{v}{b}$	$m = 0$
$\frac{v}{c}$	$m = -\frac{v}{c}$
$\frac{v}{d}$	$m = +\frac{v}{d} \beta$
$\frac{v}{e}$	$m = -\frac{v}{e} (\beta \gamma + 1)$
$\frac{v}{f}$	$m = +\frac{v}{f} (\beta \gamma \delta + \delta + \beta)$
$\frac{v}{g}$	$m = -\frac{v}{g} (\beta \gamma \delta \epsilon + \delta \epsilon + \beta \epsilon + \beta \gamma + 1)$
$\frac{v}{h}$	$m = +\frac{v}{h} (\beta \gamma \delta \epsilon \zeta + \delta \epsilon \zeta + \beta \epsilon \zeta + \beta \gamma \zeta + \beta \gamma \delta + \zeta + \delta + \beta) \text{ etc.}$

Si nunc hi ipsius m valores in aequatione $z = ma + p$ substituuntur, reperietur vt sequitur:

Si est integer

erit

$\frac{v}{b}$	$z = q + \frac{bv}{b} 1 = q + v$
$\frac{v}{c}$	$z = q - \frac{bv}{c} \alpha$
$\frac{v}{d}$	$z = q + \frac{bv}{d} (\alpha \beta + 1)$
$\frac{v}{e}$	$z = q - \frac{bv}{e} (\alpha \beta \gamma + \alpha + \gamma)$
$\frac{v}{f}$	$z = q + \frac{bv}{f} (\alpha \beta \gamma \delta + \alpha \beta + \alpha \delta + \gamma \delta + 1)$
$\frac{v}{g}$	$z = q - \frac{bv}{g} (\alpha \beta \gamma \delta \epsilon + \alpha \beta \gamma + \alpha \beta \epsilon + \alpha \delta \epsilon + \gamma \delta \epsilon + \alpha + \gamma + \epsilon) \text{ etc.}$

§. 10. Ad inueniendum ergo numerum z , qui per a diuisus relinquat p , et per b diuisus relinquat q ,posito $p - q = v$ sequentem habebimus regulam; Instituaturoperatio ad maximum communem diuisorem inter a et b inueniendum, eaque eovsque producaturo, donec ad residuum perueniatur, quod sit diuisor ipsius v , teneaturque
quotus

DE INVENIENDO NUMERO QUI PER *Q*. 53

quotus ex diuisione ipsius *v* per illud residuum resultans, qui sit *Q*, vbi operatio abrumpatur. Deinde in serie scribantur quoti α, ξ, γ , etc. in hac diuisione orti, ex iisque construat, noua series $1, \alpha, \alpha\xi + 1, \alpha\xi\gamma + \alpha + \gamma$, etc. quae ex illa quotorum serie formatur, atque eousque continuari debet, quousque per illam seriem fieri potest. Sub hac noua serie scribantur signa alternantia $+ - + -$ etc. vltimusque terminus cum suo signo multiplicetur per *Q*, atque etiam per minorem diuisorem propositum *b*, ad factum addatur residuum *q* diuisori *b* respondens. Quo facto erit aggregatum numerus quaesitus.

§. 11. Inuento hoc modo vno numero satisfaciente *z*, ex eo statim innumerabiles alii numeri satisfacientes reperiuntur. Nam si *z* per *a* diuisum *p* relinquit et per *b* diuisum *q*; eandem proprietatem habebunt quoque numeri $ab + z, 2ab + z$, et $mab + z$. Multipulum quidem facti *ab* continuo adiici vel auferri potest, si *a* et *b* fuerint inter se numeri primi; at si *a* et *b* fuerint numeri compositi, tum etiam sufficit eorum minimum communem diuiduum sumsisse; cuius multipulum quodque adiectum vel ablatum a *z* dabit numeros satisfacientes; vt si minimus communis diuiduus fuerit *M* comprehendet $mM + z$ omnes omnino numeros quaestioni satisfacientes. Quare etiamsi hoc modo saepe numeri negatiui pro *z* inueniantur, tamen adiiciendo ad eos *M* vel eius multipulum obtinebuntur numeri affirmatiui. Hac ergo operatione semper minimus numerus satisfaciens

$-\xi + \delta + \xi$) etc.

$+ \alpha + \gamma + \xi$) etc.

per
posi-
uatur
et *b*
resi-
rque
totus

3

54 SOLVTIO PROBLEMATIS ARITHMETICI

inuenietur, siquidem minimus communis diuiduus M toties subtrahatur, quoties fieri potest.

§. 12. Quia exemplis haec operatio maxime illustrabitur, quaeramus numerum, qui per 103 diuisus relinquat 87, et per 57 diuisus relinquat 25. Erit ergo $a=103$; $b=57$; $p=87$ et $q=25$; atque $v=62$; quare operationem ita instituo

$$\begin{array}{r}
 57 \overline{) 103} \quad 1 \\
 \underline{57} \\
 46 \overline{) 57} \quad 1 \\
 \underline{46} \\
 11 \overline{) 46} \quad 4 \\
 \underline{44} \\
 2
 \end{array}
 \qquad \frac{62}{2} = 31 = Q.$$

$$\begin{array}{r}
 1, \qquad 1, \qquad 4 \\
 1, \qquad 1, \qquad 2, \qquad 9 \\
 + \qquad - \qquad + \qquad -
 \end{array}$$

Nunc est $-9 \cdot 31 = -279$; atque numerus quaesitus $= 25 - 57 \cdot 279$; qui cum fiat negatiuus addo ad eum $3 \cdot 57 \cdot 103$ seu $57 \cdot 309$, vnde inuenitur $25 + 57 \cdot 30 = 1735$, qui est minimus numerus quaesitus; omnes vero satisfaciens continentur in hac forma $m \cdot 103 \cdot 57 + 1735$.

§. 13. Quaeramus porro numerum, qui per 41 diuisus relinquat 10, et per 29 diuisus relinquat 28.
In

DE INVENIENDO NUMERO QUI PER &c. 55

In hoc exemplo compendium adhibebo, quod in aliis similibus computationibus magnam habebit vtilitatem, nam cum in diuisione per 29 residuum sit 28, restare quoque poterit in eadem diuisione - 1 si quotus vnitatem maior accipiatur. Sumo ergo - 1 pro residuo diuisoris 29; eritque $a = 41$, $b = 29$, $p = 10$ et $q = -1$; vnde erit $v = 11$. Operationem ergo vt ante instituo ita

$$\begin{array}{r|l}
 29 & 41 \quad | \quad 1 \\
 & 29 \quad | \\
 \hline
 & 12 \quad | \quad 29 \quad | \quad 2 \\
 & & 24 \quad | \\
 \hline
 & & 5 \quad | \quad 12 \quad | \quad 2 \\
 & & & 10 \quad | \\
 \hline
 & & & 2 \quad | \quad 5 \quad | \quad 2 \\
 & & & & 4 \quad | \\
 \hline
 & & & & 1
 \end{array}
 \quad \frac{41}{29} = 11 = Q.$$

$$\begin{array}{cccccc}
 1, & 2, & 2, & 2, & & \\
 1, & 1, & 3, & 7, & 17 & \\
 + & - & + & - & + &
 \end{array}$$

Erit ergo + 17. $11 = 187$; atque numerus quaesitus $= -1 + 29 \cdot 187$. Subtrahatur 29. 4. 41 erit is $= -1 + 29 \cdot 23 = 666$. Satisfacient ergo quaestioni omnes numeri in hac forma $m \cdot 41 \cdot 29 + 666$ contenti.

56 SOLVTIO PROBLEMATIS ARITHMETICI

§. 14. Compendium hinc se prodit ad supra datam regulam adiciendum, quod in hoc constat, vt, postquam numerus Q per ultimum seriei formatae terminum est multiplicatus, factum per maiorem diuisorem a diuidatur, atque residuum loco ipsius facti adhibeatur. Scilicet hoc residuum per minorem diuisorem b multiplicatum atque residuo q auctum dabit numerum quaesitum. Atque iste numerus hoc pacto inuentus erit minimus, qui satisfacit. Praeterea hac diuisione effici potest vt residuum prodeat affirmatiuum, etiamsi diuidendus fuerit negatiuus. Ita in primo exemplo §. 12 habebatur -279 , qui numerus per 103 diuisus, sumto quoto $= 3$, relinquit $+ 30$. Ex quo numerus quaesitus minimus est $= 25 + 57. 30 = 1735$.

§. 15. Fieri deinde etiam potest, vt huiusmodi exempla proponantur, quae solutionem omnino non admittant, vti si quaeratur numerus qui per 24 diuisus relinquat 13 , per 15 vero diuisus relinquat 9 ; talis enim numerus per alteram conditionem deberet esse per 3 diuisibilis, per alteram secus. Idem vero etiam ipsa regula ostendit, nunquam enim ad tale residuum, excepto 0 , deuenietur, quod diuidat 0 seu 4 , vti ex ipsa operatione videre est

DE INVENIENDO NUMERO QUI PER 57

$$\begin{array}{r}
 15 \overline{) 24} \quad | \quad 1 \\
 \underline{15} \\
 9 \overline{) 15} \quad | \quad 1 \\
 \underline{9} \\
 6 \overline{) 9} \quad | \quad 1 \\
 \underline{6} \\
 3 \overline{) 6} \quad | \quad 2 \\
 \underline{6} \\
 0
 \end{array}$$

Huiusmodi vero exempla exhiberi non possunt, nisi diuisores a et b sint numeri compositi inter se; nam si fuerint inter se primi, semper numeri quaesiti exhiberi possunt. Sin autem diuisores a et b fuerint numeri compositi, atque v non diuidi potuerit per maximum ipsorum a et b diuisorem, tum semper problema ad absurdum deducit. Hocque est criterium, ex quo, num problema solutionem admittat, diiudicari potest, antequam operatio instituat.

§. 16. Exposito hac methodo vniuersali, qua omnis generis huius problemata facile resolui possunt, ex ea alia regula potest formari, quae quidem ad usum non est tam facilis, at simplicitatis plus in se habet. Oritur ea autem, si in valoribus supra inuentis ipsius (z) (§. 9.), loco a , ξ , γ , etc. eorum valores ex aequationibus $a = \alpha b + c$, $b = \xi c + d$, etc. substituuntur. Nam si instituat operatio ad maximum communem diuisorem inter a et b inueniendum, ex eaque innotescant

Tom VII.

H

con-

58 SOLVTIO PROBLEMATIS ARITHMETICI

continua residua c, d, e , etc. dico fore numerum $z = q + abv(\frac{1}{ab} - \frac{1}{bc} + \frac{1}{ca} - \frac{1}{de} + \frac{1}{ef} - \text{etc.})$, eousque hac serie continuanda, donec v per factorem aliquem denominatoris diuidi queat. Vti si quaeratur numerus, qui per 16 diuisus relinquat 1 et per 9 diuisus relinquat 7, erit $a = 16, b = 9, p = 1, q = 7$, et $v = -6$. Quare.

$$\begin{array}{r|l} 9 & 16 \\ \hline & 9 \\ \hline & 7 \\ & | 9 \\ & | 7 \\ & | 1 \\ & | 2 \\ & | 7 \\ & | 6 \\ & | 1 \end{array} \quad \begin{array}{l} 1 \\ \\ \\ 3 \\ \\ \\ 1 \end{array}$$

Hinc ergo erit $z = -6 \cdot 9 \cdot 16 (\frac{1}{16 \cdot 9} - \frac{1}{9 \cdot 7} + \frac{1}{7 \cdot 2}) = 7 - 6 + \frac{6 \cdot 16}{7} - \frac{3 \cdot 9 \cdot 16}{7} = 1 - 3 \cdot 16 = -47$. Satisfaciunt ergo omnes numeri $m. 144 - 47$ seu $m. 144 + 97$; eorumque minimus est 97. Superior formula generalis ipsius z etiam in hunc modum potest exprimi $z = p - abv(\frac{1}{bc} - \frac{1}{ca} + \frac{1}{de} - \frac{1}{ef} + \text{etc.})$ quae series fractionum eousque continuari debet, donec valor ipsius z fiat numerus integer.

§. 17. Considerabo nunc quosdam casus particulares, in quibus a ad b datam habeat relationem; et primo quidem fit $b = a - 1$ seu $a = b + 1$, residua vero ex diuisione numeri quaesiti per a et b orta sint vt ante p et q . Erit ergo $c = 1$; ideoque per regu- lam

lam postremam $z = p - av = p - ap + aq$. Quae expressio si $aq + p > ap$ dat minimum numerum quaesito satisfaciens: at si $aq + p < ap$ tum minimus numerus satisfaciens erit $a^2 - a + p - ap + aq$. Omnes vero numeri satisfaciens in hac formula generali $ma^2 - ma + p - ap + aq$ comprehenduntur, seu etiam in ista $mb^2 + mb - bp + bq + q$. Quicquid nunc sit m si haec quantitas dividatur per $b^2 + b$ residuum erit minimus numerus quaesito satisfaciens.

§. 18. Quemadmodum hac ratione ope residuorum datorum, quae post divisionem numeri incogniti per divisores b et $b + 1$ remanent, ipse numerus incognitus sit inveniendus, docuit *Sijelius* in Commentario ad *Rudolfi* artem Coëficam. Regula eius ita se habet: si fuerit residuum numeri incogniti per $b + 1$ divisi p , et residuum eiusdem per b divisi q , iubet q multiplicare per $b + 1$, et p per b^2 , horumque factorum aggregatum per $b^2 + b$ dividere, quod restat post divisionem, id pronunciat esse numerum quaesitum. Fluit autem haec regula ex nostra generali formula, si ponatur $m = p$, tum enim habetur $b^2 p + (b + 1)q$, quod per $b^2 + b$ divisum relinquit minimum numerum quaesitum.

§. 19. Interim tamen minori opera minimus numerus satisfaciens reperietur sequenti modo: Residuum q , quod ex divisione quaesiti numeri per b oritur, multiplicetur per $b + 1$, factumque addatur ad numerum pronicum ipsius b puta ad $b^2 + b$, hinc subtrahatur factum

H 2

ex

60 SOLVTIO PROBLEMATIS ARITHMETICI

ex residuo p , quod ex diuisione numeri quaesiti per $b+1$ remanet, ducto in b ; si id quod restat fuerit $< b^2+b$, erit id ipse numerus quaesitus, sin vero fuerit $> b^2+b$ subtrahatur b^2+b , eritque residuum numerus quaesitus. Ut si quaeratur numerus, qui per 100 diuisus relinquat 75 et per 101 diuisus 37; tum addatur 10100 ad factum ex 75 in 101 seu 7575, vt habeatur 17675, hinc subtrahatur factum ex 37 in 100 seu 3700 remanebit 13975, a quo si 10100 auferantur prodibit 3875, qui est minimus numerus quaesitus.

§. 20. Si quaeratur numerus qui per b diuisus relinquat q et per $nb+1$ diuisus p ; erit iterum $c=1$ atque numerus quaesitus $z=p-av=p-ap+aq=(nb+1)q-nbp$ ob $a=nb+1$. Atque omnes numeri satisfaciens continebuntur in hac expressione $mb^2+mb+(nb+1)q-nbp$, ex qua sumto pro m numero quocunque, inuenietur minimus numerus satisfaciens, si ea expressio diuidatur per nb^2+b ; residuum enim erit minimus numerus satisfaciens.

§. 21. Casus porro notari meretur, quo residua p et q , quae oriuntur ex diuisione quaesiti numeri per datos diuisores a et b , sunt inter se aequalia seu $p=q$. Hoc enim casu fit $v=0$, ideoque inuenitur numerus quaesitus $z=p$. Si igitur fit M minimus communis diuiduus numerorum a et b , omnes numeri satisfaciens continebuntur in hac formula $mM+p$. Eadem
pla-

DE INVENIENDO NUMERO QUI PER &c. 61

plane formula quoque satisfacit, si quotcunque fuerint
 divisores a, b, c, d , etc. per quos singulos numerus
 quaesitus divisus relinquit p , si quidem M denotet om-
 nium divisorum minimum communem diividuum. Om-
 nes ergo numeri huiusmodi quaestionibus satisfaci-
 entes ita sunt comparati, ut per M divisi relinquant p .

§. 22. Hinc satis tritum problema, quo quaeritur
 numerus, qui per 2, 3, 4, 5, 6 divisus relinquit 1
 per 7 vero nihil relinquit, solvi potest. Omnes enim
 numeri qui per 2, 3, 4, 5, 6 divisi relinquant 1 hanc
 habent proprietatem ut per 60, qui numerus est mi-
 nimus communis diividuus numerorum 2, 3, 4, 5, et
 6, divisi relinquant 1. Problema ergo huc redit ut
 inveniatur numerus qui per 60 divisus relinquit 1, per
 7 vero sit divisibilis; erit ergo $a=60$, $b=7$, $p=1$,
 $q=0$, et $v=1$. Facta ergo operatione.

$$\begin{array}{r} 7 \overline{)608} \\ \underline{56} \\ 48 \end{array}$$

$$\begin{array}{r} 4 \overline{)71} \\ \underline{4} \\ 31 \end{array}$$

$$\frac{1}{7} = 1 = Q.$$

$$8, 1, 1.$$

$$\begin{array}{r} 3 \overline{)41} \\ \underline{3} \\ 11 \end{array}$$

$$1, 8, 9, 17$$

$$+ - + -$$

$$\text{Ergo } z = 0 - 119 + 420m.$$

$$\text{et si } m = 1 \text{ erit } z = 301.$$

$$1$$

§. 23. Maiorem difficultatem habere videtur hoc
 problema, quo quaeritur numerus qui per numeros 2,

$$H \ 3$$

$$3, 4,$$

62 SOLVTIO PROBLEMATIS ARITHMETICI

3, 4, 5, 6 diuisus respectiue relinquat numeros 1, 2, 3, 4, 5, at per 7 diuidi queat, propter residua proposita inaequalia. Sed haec quaestio congruit cum hac: inuenire numerum qui per 2, 3, 4, 5, 6 diuisus relinquat -1 et per 7 nihil. Illi iam conditioni satisfacit forma $60m - 1$; quare numerus quaeritur qui per 60 diuisus -1, at per 7 nihil relinquat, fit itaque $a = 60$, $b = 7$, $p = -1$, $q = 0$, et $v = -1$ atque operatione vt ante instituta est $Q = -1$ quod in -17 ductum dat +17, hocque per b multiplicatum dat 119 numerum quaesitum.

§. 24. Ex his duobus exemplis apparet, quomodo huiusmodi quaestiones, in quibus quotcunque diuisores proponuntur, quibus autem duo tantum residua respondent, per supra datas regulas solui queant; statim enim quaestio ad quaestionem duorum diuisorum reducitur: vt si omnia residua sunt aequalia, quaestio perinde soluitur, ac si vnicus diuisor fuisset propositus. At si residua sunt inaequalia, tum nihilominus repetendis his operationibus, quibus pro duobus diuisoribus vsi sumus, solutio poterit obtineri. Primo enim duobus diuisoribus satisfieri debet, tum tertius assumitur, deinde quartus, donec omnibus erit satisfactum. Hoc vero commodissime exemplis explicabitur,

§. 25. Quaeramus igitur numerum, qui per 7 diuisus relinquat 6, per 9 relinquat 7, per 11 relinquat 8 et per 17 relinquat 1. Ex his iam quatuor condi-

DE

condi
et in
ergo
ratio

Orr
fati
feu

nia
ri
co
p:
ra

DE INVENIENDO NUMERO QUI PER 63

conditionibus sumamus duas quasque, ut duas priores, et inuestigemus omnes numeros iis satisfacientes. Erit ergo $a=9$, $b=7$, $p=7$, $q=6$ et $v=1$, quare operatio instituetur uti sequitur:

$$\begin{array}{r|l} 7 & 9 \\ \hline & 7 \\ \hline & 2 \\ & \hline & 7 \\ & 6 \\ \hline & 1 \end{array} \quad \begin{array}{l} 1 \\ \\ \\ 3 \end{array} \quad Q=1.$$

1, 3, fietque $z=6+1.4.7=34$
 1, 1, 4
 + - +

Omnes ergo numeri his duabus conditionibus satisfacientes continentur in hac forma $63m+34$, seu ita erunt comparati, ut per 63 diuisi relinquant 34.

§. 26. Problema ergo huc est reductum, ut inueniatur numerus, qui diuisus per 63 relinquat 34, per 17 relinquat 8, et per 17 relinquat 1. Harum trium conditionum sumantur duae priores eritque $a=63$, $b=11$, $p=34$, $q=8$, et $v=26$, vnde fuit sequens operatio:

64 SOLVTIO PROBLEMATIS ARITHMETICI

$$\begin{array}{r}
 11 \overline{) 63} \quad 5 \\
 \underline{55} \\
 8 \overline{) 11} \quad 1 \\
 \underline{8} \\
 3 \overline{) 8} \quad 2 \\
 \underline{6} \\
 2
 \end{array}
 \quad Q = \frac{25}{2} = 13.$$

5, 1, 2
 1, 5, 6, 17 ergo $z = m \cdot 63 \cdot 11 + 8 - 13 \cdot 17 \cdot 11$
 + - + -

Quo minimus numerus satisfaciens reperiatur, ponatur $m = 4$; erit $z = 8 + 31 \cdot 11 = 349$. Omnes ergo numeri satisfaciens in hac continentur forma $693m + 349$, seu hanc habebunt proprietatem, ut per 693 diuisi relinquunt 349.

§. 27. Problema ergo tandem huc est reductum, ut definiatur numerus, qui per 693 diuisus relinquat 349 et per 17 diuisus relinquat 1. Facio ergo $a = 693$, $b = 17$, $p = 349$, $q = 1$, et $v = 348$, sequentemque iuxta data praecepta instituo operationem:

$$17 \overline{) 693} \quad 41 \quad Q = \frac{348}{-4} = -87. \\
 \underline{697} \\
 -4$$

41
 1, 41 ergo $z = 693 \cdot 17 \cdot m + 1 + 41 \cdot 87 \cdot 17$
 + -

Quo

DE
 Quo
 eritq
 meru
 auter
 + I
 quon
 uend

 gici
 appo
 datis
 illius
 oritu
 cyclu
 num
 man
 rio
 Sit
 Ron
 r po
 in
 798
 quac
 ratic
 negl

pro
 Ton

DE INVENIENDO NUMERO QVI PER 66. 65

Quo minimus numerus satisfaciens prodeat pono $m = -5$,
eritque $z = 1 + 102.17 = 1735$, qui est minimus nu-
merus quatuor praescriptis conditionibus satisfaciens. Omnes
autem qui satisfaciunt hac continentur formula $11781m$
 $+ 1735$. Ex hoc exemplo ergo abunde intelligitur,
quomodo omnes huiusmodi quaestiones sint resol-
uendae.

§. 28. Pertinet huc solutio problematis chronolo-
gici satis cogniti, [quam, prout ex his regulis inueni,
apponam, in quo annus a Christo nato quaeritur, ex
datis cyclis solis et lunae vna cum indictione Romana
illius anni. Cum enim cyclus solis sit residuum, quod
oritur diuisione numeri anni nouenario aucti per 28;
cyclus vero lunae sit residuum, quod oritur diuisione
numeri anni vnitae aucti per 19; Indictio vero Ro-
mana sit residuum, quod oritur, si numerus anni ternario
auctus per 15 diuidatur, sequens prodit solutio.
Sit p cyclus solis, q cyclus lunae et r indictio
Romana; multiplicetur p per 4845; q per 4200; et
 r per 6916, haec tria producta cum numero 3267
in vnam summam coniiciantur, eaque diuidatur per
7980; quod remanebit residuum erit numerus anni
quaesiti. Si annus periodi Iulianae requiratur, tum ope-
ratio eodem modo instituatur, nisi quod numerus 3267
negligi debet; quae est regula iam passim tradita.

§. 29. Multam quidem operam requirit solutio
pro pluribus diuisoribus, si quidem problema continuo
Toni. VII. I ad

66 SOLVTIO PROBLEMATIS ARITHMETICI &c

ad casum, quo diuisorum numerus vnitatem minuitur, vt in praecedente exemplo fecimus, reducitur; At ex ea ipsa operatione facilior multoque breuior via sese prodit, qua statim proposita quaestio, quocumque etiam fuerint diuisores, ad casum duorum diuisorum reduci potest; quae regula ita se habet: Inueniendus sit numerus, qui per diuisores a, b, c, d, e , quos numeros inter se primos esse pono, diuisus relinquat respectiue haec residua p, q, r, s, t . Huic quaestioni satisfacit iste numerus $Ap + Bq + Cr + Ds + Et + mabcde$, in qua expressione A est numerus, qui per factum $b c d e$ diuisus nihil relinquat, per a vero diuisus relinquat vnitatem; B est numerus, qui per $a c d e$ diuisus relinquat nihil, per b vero vnitatem; C est numerus qui per $a b d e$ diuisus nihil relinquat, per c vero vnitatem; D est numerus qui per $a b c e$ nihil relinquat, per d vero vnitatem; atque E est numerus per $a b c d$ diuisus nihil relinquat, per e vero vnitatem, qui ergo numeri per regulam pro duobus diuisoribus datam inueniri possunt.